

TA'N TELI- ALPAYSIKLA'MUMK KJIPUKTUK

"Alpaysikla'mumku napasikta'n
teli-ala'timk, Sa'se'wa'luekeltna."

- Adam Stones

Amskwes Ewikasik, 2022



Paysikla'mumk na wjit Msit Wen!

Ula wi'katikn kina'multew wjit kpaysiklm, menaqaj alpaysikla'mumk aqq tplutaqnn wjit awtik ala'timk. Kite'n ula wi'katiknn kina'masin tli-alpaysikla'tesk Kjipuktuk.

Koqoey wesku'tasik ula wi'katikn-iktuk

Koqoey wjit Paysikla'mumk	3
Wet-nenm kpaysiklm	4
Kiskaja'Isimk Najj-paysikla'mumk	6
Awtikewe'l Tplutaqnn	8
Menaqaj Alpaysikla'mumk	11
Westawimk Etl-Taqqmoqa'tik Awti'l	14
Kiskaja'tu'n Kpaysiklm Wjit Milikiskikl	17
Ela'timk A mi'soqo E	18
Alpaysiklo'Itioqik Kikmaq	20
Mila'mu'kl Paysikle'l Awti'jl	22
Tel-Milamu'kl Paysikl	24
Ta'n Koqoey Etek Wjit Paysikla'mumk	26

Koqoey wjit Paysikla'mumk

Jajiko'qn

Kaqi'sk alpaysikla'q wen jajike'tew, aji-wli-ankita'sitew, aqq ma' tl-sespeta'sik.

Weli-ala'timk

Paysikl ela'luek A mi'soqo E, ta'n "E" kaqmik wjit kina'matnewey, lukwaqn, aqq keknue'kl welapetmumkl. Mita naqmasiaq tepawtukwemk paysikl, skwijinu'k ta'n pasik tewijo'ltijik, telipkwaqatijik aqq telaskma'tijik kisi-l'paysiklo'ltitaq ta'n ketu'l'ta'tij.

Wutanminu


Kaqi'sk alpaysikla'mumk tami wl-nentesk ta'n elien aqq elt wl-nenuatesk wenik toqi-we'wmoql elteskawemkl. Paysikla'mumk kisa'toql westawikl etl-mawo'ltimkl kjikanminal aqq aji-wl-nenatultimk.

Wksitqamuey

Mawio'mi Eleke'wa'ki'l Mtmo'taqney wjit Pilua'sik Wksitqamuey (IPCC) telua'tijik: nuta'q me' alpaysiklo'ltinew. Alpaysikla'mumk ekina'mask wettaqne'wasulti'k wksitqamuey aqq kjitutenenew koqoey kis-tla'taqati'kip – kutey aji-tkle'jk tewipkuta'q kisa'tunew.

Pekwatekemk

Paysikla'mumk wela'toql mtmo'taqne'l. Mtmo'taqne'l ta'n ketmoqjena'tiji lukewinu'mua l'paysiklo'ltinew at'lukutimk aji-wl-lukutiliji. Aqq we'kaw, kjikanl ta'n we'wmi'tij alpaysikla'mumk aqq pikweli-pwataqatijik. Ne'wte' jiko'tekemk kisa'tasik Eleke'wa'kik teluek te's tepknuset alpaysiklo'ltijik 40% aji-pikweltelikitijik malsano'kuo'ml etekl wejuow wikulti'tij jel mu alkwi'taqatijik.



Kis-kinamasitesk tel-lukwatmn kpaysikln, pekwaterln kis-wekasik paysikl aqq koqoye'l nastekl paysikl-iktuk lien Bike Agan, mawi-qpoqnmattulimk elukwatmumk paysikl. Me etek kinu'daqney: <https://www.facebook.com/BikeAgan/>

Kiskaja'lsimk

Naji-paysikla'mumk

Welki'k Paysikl

Welki'k paysikl wel-kopimk, westawik aqq weljewiaq.

Ta'n telki'k Nasmisko'taqney

Teppin kpaysiklm amujpa tepteskmn maqamikew aqq tapu'kl mtijin teliastek etek ktinink aqq nasmisko'taqney.

Ila'tun Kkutputim

Kkajikn amujpa kijka' paquitek ke'sk pemkopin aqq kkat ke'kutek ejintekewey ketmoqjeteskasimkewey. Tepi-espitek kkutputim na menaqaj kiwaska'timk aqq melkiteskawemk.

Ila'kwa'tumk l'kiw'taqney

Nuta'q l'kwitaqney aqq kkutputim newte' tli-espiten. Ta'n teli-espitek l'kwitaqney aqq ta'n

etekl enqikwalsimkewe'l aqq sa'se'wa'taqnapi'l kisi-pilu'tetal wije'ti'tij piluikkl paysikl aqq welkopimk wjit ta'n alpaysikla'q.

Ankaptmn Koqoey Nuta'q A-C

Ula ewikasikl apoqnmultal mikwite'tmn koqoey nuta'q iloqaptasiktn paysikl-iktuk ke'sk mu pusiwun.

Wju'sn

- Tepiaq wju'sn etek kiwto'qasikl (ankapte'n kiwto'qasikl wikasiktn ta'sik wju'sn ika'tumk)

Enqikwalsimkewe'l aqq L'kwi'taqne'l

- Tetpaqi-lukwen enqikwalsimkewe'l
- Sekki-nasten l'kwi'taqne'l
- kiwto'qasikl welayjiaq

Piska'taqnn aqq Tetpito'taqn

- Piska'taqnn sekki-nastekl aqq wel-mima'qa'tasikl
- Ketmoqjeteskasimkewe'l wel-kiwto'qwa'tikl

Paysikle'l Wasoqnamaqnn

No'pa Sko'sia tplutaqn teluek amujpa paysikl-iktuk nastek wape'k wasoqnamaqn nikantuk aqq mekwasa'sik setamk. Tlia'j na tplutaqn pasik kwilutk mekwasa'sik nastektn setamk, melkimuksin nasa'tun mekwatek wasoqnamaqn wjit alpaysikla'mumk ewlatek.



Tetpaqki'k Kelikatekek A'kwesn

Tetpaqki'k kelikatekek a'kwesn kelikatn kun'ji elmiaq nisien. No'pa Sko'siaewey tplutaqn teluek amujpa msit wen ta'n pasik tewije'k naskik kelikatekek a'kwesn ke'sk alpaysikla'q. Aqq amujpa menaqaj kelpilasik wktukape'knk. Alayjimujik mijua'ji'jk amujpa naskmi'titl kelikatekekl



Wije'we'n 2-V-1-ey Tplutaqn

-  Tapu'kl ktluiknn welteskl miawe'k kitku'k (ktukwejan) aqq kelikatekek a'kwesn
-  Kelpilaqne'l telpilasikl nkutey "V" ksituaqnek
-  Newte'jk ktluiknn welteskl miawe'k kelpilaqney aqq ktukape'kn

Awtikewe'l Tplutaqnn

Westawik Teli-assuayjimkwemk/ Wutapaqney Tplutaqn

Wutapaqney Tplutaqn, pemi-
ilwikasik aqq tluisitew Westawik
Teli-assuayjimkwemk Tplutaqn,
wettaqne'wasik tel-nujo'tmumk
tel-wekasimkl awti'l. Amujpa
majulkwatmnn msit tplutaqnn wjit
teli-alayjimkwemk awtik, aqq elt
tplutaqnn wjit pasik alpaysiklo'tlijik.

Paysikll Teli-ksuatumkl Nkutey Wen Wutapaqn

Westawik Teli-assuayjimkwemk/
Wutapaqney Tplutaqn teli-ksuatoql
paysikll nkutey wen wutapaqn
aqq wenik alpaysiklo'tlijik amujpa
wije'wmi'titl nkutey koqqwaja'taqnn
aqq tela'tekemkl staqa msit wen ta'n
ewe'wk awti. Alpaysikla'mn amujpa
majulkwatmn awtikewe'l tplutaqne'l
aqq kinua'taqne'l, aqq ewe'wmn
kpitnn ekinua'teken. Wen alpaysikla'q

tewiska'toq awtikewey tplutaqney
kisi-msimaten aqq ilsumaten.

Tlia'j na paysikl teli-ksua'tumkl
nkutey wen wutapaqn, awti'l
kisisatikl wjit kutapaqnnal aqq
poqtamu'tekemkewe'l. Na wjit,
wen paysikla'q amujpa ankite'tk
ta'n telaskmat aqq ta'n tett awtik
pmietew, ta'n telamu'k aqq teliske'k
awti, telikiskik aqq tujiw elapimk.
Alpaysikla'mn, amujpa inaqank pem-
wije'mn ta'n pemita'ql awtik.
Wesko'tmn asite'lsuti ksua'tun na
awti.

Upmawtikewey na wjit allika'timk

Nesana'q wjit alliketa'jik wenik
paysikla'mn upmawtikewey kisna
ta'n etli-assoqmlika'timk. Nesana'q
wjit elt ki'l. E'tasiw etl-matama'timkl
na kutey etli-asoqma'timk, wisqiw

matama'sitj wen jiptuk ma' mikwamuluk. Tlia'j na aji-wlo'teken alpaysikla'mn upmawtikewey jel mu awtik, nesana'q mita al-tepsiktajik pemliketa'jik wenik. Mijua'ji'j mna'q metla'sipuna'q jel asukom kisi-

paysikla'q upmawtikewey katu aji-kisikuit wen kisi-msimaten aq amujpa apankitew telawtik netutmut.

Alpaysikla'mumkewe'l O'pla'tekemkl

mu ewe'wmu'nl kpitnn ekinua'teken	\$180
alpaysikla'mn upmawtikewey	\$151.25
alpaysikla'mn mu nastenukl nikantuk kisna setamk wasoqnmaqnn	\$180
mu enqa'siwun kinua'taqney teluek naqa'si	\$180
alpaysikla'mn mu naskmu'n kelikatekek a'kwesn kisna mu tetpaqi-naspilasinuk	\$151.25
mu ewe'mu'n tepkisa'tasik paysikley awti	\$151.25
mu pemwijewe'mu'nl pemita'ql pilue'k wutapaqnual.	\$151.25
al-teppin l'kiw'taqney kisna nasmisko'taqney paysikl-iktuk	\$151.25
mu pa'keywun alpaysikla'mn.	\$600-\$2000
mu nastenuk tetpaqlukwek sisua'qateknji'j kisna netawaluemk kpaysiklmk	\$151.25
mu pemukwaultiwo'q pem-paysiklo'ltijik	\$151.25
paysikla'mn asumkwaqn-iktuk toqo mu ewe'wmn paysiklewawti etek Macdonaldehy assumkwaqn	\$151.25

Alkwi'tik wen wutapaqn O'pla'tekemkl

naqtmn kutapaqn paysikley awti	\$61.60
alkwi'teken paysikley awti	\$697.50
nikanteskmn paysikl toqo mu 1m teli-amaskmu'n	\$295
mu ankmayiw enaqa'siwun etl-petteskatimk	6 points
mu tetpaqi-nikanteskawewun	4 points



Menaqaj Alpaysikla'mumk

Nemitu'n ta'n elien


Keknue'k nemitu'n koqoey etek ke'sk pem-paysikla'mn aqq jiko'tmn se'k elteskawemk awtik, nkutey nike' pemkwi'teket inaqnek piskwayjiet kisma amanteskawet. Ankite'te'n ta'n tett ki'l lietesk tepsiktuan wenik.

Nemu'ksin

Nemu'ksin na wesku'tasik tetpaqteskawen awtik. Elmiaq tek paysikley awti, na l'teskawe na'te'l (teli-pjike'k mu nesana'nuk ta'n pemyajimkwen). Elmiaq ktu'-pska'sin patatujke'l, pmie miawe'k awti ta'n asite'tk patatujk elipska'timk.

Keju'ksin ta'n ketu' tla'teken

Menaqaj pmie alpaysikla'mn kulaman kjiju'ltaq wenik pemyajimkutijik awtik ta'n ketu'tla'teken aqq kis-tepsiktultaq elmiaq nuta'q. Pem-paysikla'mn enqatekl wenik wutapaqnu'al kisma etlitasik koqoey, pektaqa'si mukk al-kiwto'qateskmu koqoey. Na tla'teken kjiju'ltaq wenik ta'n ketu' tla'teken aqq kis-tepsiktultaq. Na'tamiaw 1m. tli-amaske'n enqatekl wenik wutapaqnu'al kulaman ma'nastesinu'n wisqiw panta'luj ka'qn. Lapa'si setamk ke'sk mu eliewun piluey elteskawemk awti.



Ewe'wmn Kpitne'l Kinua'taqnn

Ke'sk alpaysikla'mn, we'we'n kpitne'l kinua'taqnn kinua'tuan wenik pilue'k pema'yimkutijik awtik ta'n tujiw ketu'-kiwaska'sin kiswa ketu'-pawien. Kinua'teke ta'n ketu'-lien ewe'wmn kpitne'l kinua'taqnn ewikasikl pkewe'ke'l.

Maw-we'wmumk Awti

Mu e'tasiw awti etenuk paysikley awti. Amujpa maw-we'wmoq awti pilue'l wenik wutapaqnu'al, pasl aqq assuayjo'tekemkewe'l. Ala'tu'n koqqwaja'taqn ewe'wmn tepiaq awti nuta'n. Mukk nikanteskawew etl-taqmoqa'tik awti'l. Mukk nikanteskmu koqoey inaqnek elmiaq pemi-pska'sik inaqneke'l.

Patatujk Lie'



Naqa'si



Inaqnek Lie'



Inaqnek Lie'



Me'teskawemk

Awisiw me'teskawemk na'sik nuta'q ne'kaw wl-jiko'teken. Menaqaj tleye'n aqq mattaqa'tekew 911 kiswa Nuji-kl'a'qa'lua'tijik Kjiptuk 902-490-5020. Mikwim ta'n wen pemkwi'tekep amujpa siawqatk etl-me'teskatioq mi'soqo Nuji-kl'a'qa'lua'tijik pejita'tij.

Etl-me'teskatimk

Wasoqatete'n:

- Wutapaqn aqq alkwi'tekemkewey kinua'taqn nastek wutapaqnk
- kpaysiklm aqq ta'n tel-tewisteskasik
- tami elto'ken, elmiaq jileyin
- awti ta'n etl-me'teskatimk

Ika'n kikuaq kisi me'teskusin:

- Ankmayiw wja'tu malpale'wit wi'katikn ewikasik ta'n telto'ken
- Mu pejita'tik Nuji-kl'a'qa'lua'tijik, kinua'tu kis-tliaq ke'sk mu newte'na'kwek kaqianuk
- Kinua'tu ta'n apankitajik ila'tunew koqoey elmiaq entu'n kiswa tewisto'kek

Aptisqa'mn Paysiklm

Ta'n tujiw kaqi-we'wmn kpaysiklm, aptisqa'tis kulaman ma' kmutnasinuk. Miamuj ne'kaw aptisqa'mn nasmisqa'taqnm. We'wmn u-lock esqutatek wasoqa'taqnikk-iktuk ta'n nastek jitoqikn-iktuk na maw-wla'sik. Aptisqa'e'n kitk kiwto'qa'sikl kulaman me'aji-mlki-aptisqa'sitew kpaysiklm.



Westawimk Etl-Taqmoqa'tik Awti'l

Kjikank ta'n etl-taqmoqa'tik awti'l maw-kaqi'sk etl-me'teskatultijik wenik alpaysiklo'ltijik aqq alkwi'taqatijik.

Wenaqi'kasikl etl naqita'q pasl

Wenaqi'kasikl etl naqita'q pasl na ta'n tett paysikley awti wenaqi'kasik mi'soqo teli-espitek nkutey


upmawtikewey ta'n etl naqita'q pasl kulaman wenik tepita'jik kisan kepte'ta'jik pas pmita'taq paysikley awti. Pem-paysiklo'ltijik wenik amujpa iknmua'tij siawita'new wenik ketu' tepita'tij pas ta'n tujiw enqatek. Mi'soqo naqa'sik pas, etli-skmtijik amujpa kaqamultijik upmawtikewey, mu paysikley awti.



Maw-Kaqi'sk Tel-Me'teskatikl Wen Wutapaqn Aqq Paysikl

Ula etekl tapu'kl maw-kaqi'sk tel-me'teskatimkl ta'n etl-taqmoqa'tik awti'l.

Inaqnek weji-me'teskatimk




Patatujk weji-me'teskatimk




Patatujk Teli-Pska'timk Paysikla'mumk

Ta'n etl-taqmoqa'tik awti'l, tapu'kl tela'tekemkl etekl ta'n patatujk tli-pska'sik paysikla'mn. Kjipuktuk kisutmi'tij piley wije'wmumk etl-taqmoqa'tik awti'l apoqntmn patatujk eli-pska'timk paysikl-iktuk, telui'tmumkl tapu'kl tela'tekemkl ktu' pska'sin.

Patatujk Eli-Pskatikm Alkwi'tekemk




Patatujk Eli-Pskatimk Pemlika'timk



Me' ktu' kjijitu'n wjit alpaysikla'mumk
aqq tel-westawimk etl-taqmoqa'tik
awti'l ksua'tu Alatismkewey kiska
Alpaysikla'mumk Kjikanak 101
kina'matnewe'l.

cyclehalifax.ca/urban-cycling-course
ecologyaction.ca/making-tracks

Tapu'kl Tela'tekemkl Ktu'-Pska'sin



Kiskaja'tu'n Kpaysiklm Wjit Milikiskikl

Ne'wt kis-naqalo'tmn alayjimkwemk, ktu'-alayjimkwetes jel tlia'j winikiskik. Ula etek koqoey apoqnmultew wjit winikiskikl:

- aquasuti ta'n nastekl ejiklpaqte'temkewe'l kulamanma'n ma' elpaqnto'kewun sam'qwan
- studded-ewikl kisna maqapatitaql kiwto'qasikl kulaman wli-klitatal awtik kesik
- pogies (meskilik piljaqnk ta'n naspijik l'kwi'taqney-iktuk)

Kiskaja'tu'n Kutapsun Wjit Milikiskikl

Mu nuta'nuk tepkisamu'k tapsun wjit alpaysikla'mumk, katu etek ula koqoey ta'n kis-we'wtes ta'n tujiw nuta'n:

- kikpesane'l pita'qewe'l aqq pitu'kn
- a'kwesn, a'pi'j, aqq wel-kisue'kik

piljaqnk wjit kesik

- mu saputapue'k tepotk aqq wayekne'l piskaqnn
- kikipesaney anquno'sun wjit kmun'ti

Ta'n Telkmumk Paysikl

Ta'n tujiw kesik aqq sesupqomikek, nuta'q tlkmn kpaysiklm ta'n telikiskik. Nuta'q pawien, sankew ktmoqjeteskasin, aqq atlasma'tun ktinin. Menaqaj-amana'si aqq iknmasi tepi-knekk kis-naqa'sin. Majulkwatmn ula kinua'taqnn na wli-alayjimkwetes newtipunqek.



Ela'timk A mi'soqo E

(kina'matnewey,
lukwaqn, aqq
keknu'e'kl
welapetmumkl)

Teli-Ala'timk

Pemi-atelkik Kjipuktukewaq
we'wmi'titl paysikll teli-alt'atij kjikank
mita welawtik aqq wisqiteskmumk
tami ela'timk. Me' katu telo'tmumk
weli-alsumsimk alpaysikla'mumk.

Alayjimkweyoq Kitap

Amskweseweyik alpaysikla'mn
kjikank, wije'titoqsip kitap, na'tuen
kikmaq, kiswa na'tuen toq-lukeyoq
ta'n ki's i'-paysikla'q kjikank. Ta'n wen
toqi-paysikla'moq kisi-kina'multew
ta'n telteskmumkl awti'l kjikank aqq
ta'n tl-qamasteskmukk ta'n elien.

El-Paysikla'mn At-Lukwen

Ta'n tujiw el-paysikla'mn at-lukwen
wel-kiskajeyin pqut-lukwen! El-
paysikla'mn at-lukwen kiswa naji-
kina'masin apoqnmask ewe'kiska'lsin
te'sikiskik jel mu nuta'nuk ankite'tmn.

Mekenn Ta'n Elteskawen

Kjipuktukewey Paysikla'mumkewey
Pekita'weyapoqnmultew nikanite'mn
ta'n l'teskawestes. Ekinua'task ta'n
etekl tepkistekl paysikle'l awti'jl, jil-
wikasikl paysikle'l awti'jl, mil-wekasikl
awti'jl aqq ta'n elteskmumk awtik.
Pekita'we'l tewa'tu'titl Kjipuktuk
Kjikane'kati aqq iknmue'tu'titl
wi'katiknewo'kuomk aqq kompu'tl-
iktuk.

Paysikley Tel-Milteskawemk

Kjipuktuk Kjikane'kati kissutmi'tip
ika'tunew tel-milteskawemkewey
wjit ta'n pasik tewijo'ltijik kiswa
telaskma'tiliji wenik ke'sk mu 2022.
Ewe'wmn tel-milteskawemkewey kis-
lietes ta'n tett ketu-lien Kjikane'katik
ewe'wmn tepkistekl paysikle'l
awti'jl, milwekasikl awti'jl aqq ta'n
elteskmumk awtik.

Milamu'kl Teli-Alayjimkwemk

Jijuaqa na mila'mu'kl teli-alayjimkwemk, piluamu'kl wen we'wkl wutapaqn alayjimkwemk. Naqamasiaq wiaqa'tun paysikla'mumk teli-alayjimkwemk.

Tepa'sin Pqutamotaqnewu'lk

Asite'tasin tepa'tun paysikl pqutamotaqnewu'lk-iktuk aqq etek ta'n paysikl nasa'tu'n te's pqutamotaqnewu'lk asoqma'sik weja'tekemk Kjipuktuk mi'soqo Punamu'kwati'jk aqq apaja'sik. Etek ma'w ta'n paysikl nasa'sik kwijmuk ta'n weji-maja'sik pqutamotaqnewu'lk ta'n kis-tli-appisqa'mn kpaysiklm mu-ktu'-tepa'tu'n pqutamotaqnewu'lk-iktuk.


Tepa'sin Pas

Msit Kjipuktukewey Asuayjo'tekemke'l (Halifax Transit) pasl nastekl ta'n kisi-nasa'tumk tapu'kl paysikll. Ki'l miamuj nasa'tu'n aqq mena'tu'n kpaysiklm. Ta'n naspilmumkl paysikll na nastekl nikantuk pas-iktuk, kis-

masqweka'tumkl, aqq etek ta'n kis-nasa'tumk nikantukewey kiwto'qa'sik ta'n etli-a'sikatikl kiwto'qa'sik aqq niktuiikk kpaysiklmk. Mu asite'tasiwun tepa'tun paysikl pas-iktuk.

Alayjitu'n Kutapaqn

Alsutmn kutapaqn, mila'mu'kl kistelmukk ta'n paysikl nasa'tumk ta'n klnitew kpaysiklm kutapaqnk. Lie ta'n etli-ntui'skasik paysikll ktu'-kjijitu'n me koqoey wjit ta'n naspilmumk paysikl. Elmiaq mu kutapaqniwun, CarShare Atlantic ta'n kisi-wji-maqituimk asite'lmisk piski-wi'kusun aqq maqatuin tapaqnn kiwto'qiw Kjipuktukewey Kwesawey aqq Kjikan Punamu'kwati'jk. Apankitmin ta'n teli-pkiji we'wmn aqq ta'n tel-knekk elayjitu'n. Kis-nasa'tes ki'lewey ta'n paysikl nasa'tumk. Toqa'tu'n carshare aqq paysikla'mumk weljaqeyin toqo mu nuta'nuk alsutmn tepaqn.



Alpaysiklo'ltioqik Kikmaq

Alayjimkwemk, Welqatmumk aqq Alsumsimk

Pikwelkik wjkjksu'k welqa'tmu'tijik toqi-paysiklo'ltijik. Alpaysikla'mumk kjikank iknmuaj'i mijua'ji'jk kis-wl-nmitunew wjkjanmew aqq wlinenmnew ke'sk me' pemikwej wen. Ula etekl me' kisi-apoqnmakutaq wjkjksu'k alpaysiklo'ltijik.

Alpaysikla'mumk Eskmaqtmamk

Pikwelk wen alpaysikla'q eskmaqtmaj. Alpaysikla'mumk mu teli-attikna'siwun ewe'kiska'lsin. Ta'n tujiw pem-aji-wjuow ika'q we'jitan aqq kitnman allika'n, alpaysikla'mn apoqnmultew tel-milteskawen. Kisita'sin alpaysikla'mn ke'sk eskmaqtmam, mawi-nqamasiasq we'wmumk ta'n tepikata'timk paysikl. Ankite'ttes nisa'tun kkutputim kulaman tepteskites maqamikew. Tla'tekes ta'n ki'l telo'tmn tetpaqa'q

wjit ki'l.

Alpaysiklo'ltioqik Mijua'ji'

Weljewiaq alpaysiklo'ltioqik knijink. Tmk nuta'q pipanimann knijan wmalpale'witeml. Kelpilasik pemkopimkewey klnmuatow knijanl wun'ji aqq wkji'taqnn aqq kis-nasa'tumk ta'n pem-sawtaqa'tumk kiswa ta'n nikantuk etek tepa'luj mijua'ji'j.

Ta'n tujiw knijan kisi-knalij wkji'taqn, na kisi-we'wtes:

- **Nikantukewey mijua'ji'juey pemkopimk:** nasa'sik l'kwi'taqney-iktuk ta'n wl-nमितेकेतew knijan
- **Wtejkewey nasmisko'taqney pemkopimk:** nasa'sik wtejk nasmisko'taqney-iktuk
- **Wtejk nastek pemkopimk:** nasa'sik wtejkewey ke'kupimk aqq kijka'atki'k, wjit me' pemi-

atkill knijan

- **Setamk pittaq paysikl:** welteskl tapu'kl wtejkewe'l pemkopimkl aqq newte'jk nikantukewey pemkopimk

Eknu'tmasimk Paysikla'mumk

Mijua'ji'k tewijo'ltijik 3 mi'soqo 7 nulkitaq paysikle'l wkutputimual aqq tepkiltew ppoji-kinu'tmasin newti-paysikla'min. Amskwesewey nuta'q wenkina'masin natan'teli-iljo'qinsimk. Maw klu'lk we'wmn iljo'qinsimkewey paysikl. Iljo'qinsimkewey paysikl nastekl tapu'kl kiwto'qa'tikl, mu ketmoqjeteskasimkeweya'sinuk aqq knijan we'wtal kwatw ali-ktmoqjeteskasit.

Ne'wt kisi-nta'kik knijan iljo'qinsimkewey paysikl, kisi-ppoji-kina'masitew paysikl ta'n nastekl ketmoqjeteskasimkewe'l aqq tapu'kl kiwto'qa'tikl. Miamuj knijan tepteskik maqamikew ta'n tujiw teppij wpaysiklimk. Mikwite'te'n knijan kisi-pmayjimkwet upmawtikewey katu amujpa ki'l ma'w pemayjimkwen.

Toqi-alpaysiklo'ltioq kikmaq iknmuaj knijink nmitunew aqq nutmnew koqoey kiwto'qiw ta'n eymu'ti'tij, wlenmnew wejuwow ta'n wikulti'tij, aqq kaqi-nmitunew wjkikanmuow. Ke'sk pemikuti'tij, paysikla'mumk asite'tmaji nutqo'ltiliji wli-alta'new kjikank.

Wtejkewey Nasmisko'taqney/Wtejk Nastek Pemkopimk




Setamk-Pittaq Paysikl




Mila'mu'kl Paysikle'l Awti'jl

Skwijinu'k ajayjitu'titl paysikll Nopa Sko'sia asite'tasultijik alayjimkutinew ta'n pasik telamu'kl awti'l, pasik mu keknu'e'kl tel-pma'timkl awti'l. Kjiptukukewey Kjikane'kati pemi-atekl awti'jl eltu'titl wjit skwijinu'k paysiklo'ltinew


Wejuow Etekl Paysikle'l Awti'jl




Jilwikasik Paysikley Awti'j



Milwekasik Awti'j



Tepkistek Paysikley Awti'j



Kiskaja'tu'n Kpaysiklm Wjit Milikiskikl

Kiskaja'tu'n Kpaysiklm Wjit Milikiskikl

Ne'wt kis-naqalo'tmn alayjimkwemk, ktu'-alayjimkwetes jel tlia'j winikiskik. Ula etek koqoey apoqnmultew wjit winikiskikl.

- aquasuti ta'n nastekl ejiklpaqte'temkewe'l kulamanma'na' elpaqnto'kewun sam'qwan.
- studded-ewikl kiswa maqapatitaql kiwto'qasikl kulaman wli-klitatal awtik kesik
- Pogies –(meskillik piljaqnk ta'n naspjjik l'kw'i'taqney-iktuk)

Kiskaja'tu'n Kutapsun Wjit Milikiskikl

Mu nuta'nuk tepkisamu'k tapsun wjit alpaysikla'mumk, katu etek ula koqoey ta'n kis-we'wtes ta'n tujiw nuta'n.

- kikpesane'l pita'qewe'l aqq pitu'kn
- a'kwesn, a'pi'j, aqq wel-kisue'kik piljaqnk wjit kesik
- mu saputapue'k tepotk aqq wayekne'l piskaqnn

- kikpesaney anquno'sun wjit kmun'ti

Paysikl Ta'n Tel-Maliaptmumk

Kisita'sin alpaysikla'mn newtipunqek aqq ta'n pasik ketui-tlikiskik, ajinqasi kaqiatew kpaysiklm jel mu pasik we'wmn nipk. Nuta'q wl-waqama'tun aqq mima'tun paysikle'l piska'taqnn te's ne'wte'jk ektie'wimk pemiaq ewe'wmn ta'n tel-lukwek wjit waqma'tumkl aqq mima'tumkl piska'taqnn. Aji-wl-pmiatew kpaysiklm aqq aji-pkijo'tes piska'taqnml. Ta'n tujiw salawey nasa'sik kpaysiklimk kesik, kasiputtes nasmisko'taqnm aqq msit ta'n telki'k kpaysiklm te's ne'wte'jk ektie'wimk pemiaq.

Ta'n Telkmumk Paysikl

Ta'n tujiw kesik aqq sesupqomikek, nuta'q tlkmm kpaysiklm ta'n telikiskik. Nuta'q pawien, sankew ktmoqjeteskasin, aqq atlasma'tun ktinin. Menaqaj-amana'si aqq iknmasi tepi-knekk kis-naqa'sin. Majulkwatmn ula kinua'taqnn na wli-alayjimkwetes newtipunqek.

Tel-Milamu'kl Paysikl

Pikwelkl kaqisi-milamu'kl paysikll wjit ta'n tel-nuta'n. Ula ewikasikl ta'n tel-milamu'kl paysikl aqq ta'n tel-mil-lukwekl apoqnmultew mekenmin ta'n maw-kluktitew wjit ki'l aqq kikmaq.

Awtiey Paysikl

Weli-ksikawiaq wjit kun'tew-awti.




Koqwajkopimk Kjikaney Paysikl

Kelu'lk alayjimkwemk kjikank.



Nikantuk Epit La'taqsun Pemamu'tekemk Paysikl

Kelu'lk wjit pema'tun pikwelkl koqoey kiska mijua'ji'j pema'lit nikantuk paysikl-iktuk.



A'qitisinumk Paysikl

Kelu'lk wjit wen miamuj kweso'tk ankuiskaqnn aqq wen kesnukwaj wpaqm.



Milteskawek Paysikl

Nkutey toqwa'tumk awtiey aqq kmtney paysikl. Weljewiaq ewe'wmumk kjikank.



Ne'siskl Kiwto'qatikl (wjit e'pijik aqq ji'n muk)

Kelu'lk wjit wen ali'pukwet.



Pittaq-Wtejk Pemamu'tekemk Paysikl

Kelu'lk wjit pema'tun pikwelk koqoey kisna mijua'ji'j pema'lit wtejk paysik-iktuk.



Kmtney Paysikl

Kelu'lk wjit atuomke'l/kmujuikl awti'jl.



Wasoqiteskewey-iktuk Weji-Pmiaq Paysikl

Kelu'lk wjit wenaq-qamikekl aqq amasek ela'timk.



Amaltia'kwemkewey Paysikl

Kelu'lk wjit amaltia'wemk, aliwsutu'n kutmo'taqn, aqq amasek ala'timk.



Ta'n Koqoey Etek Wjit Paysikla'mumk

Emqatui'simkewe'l Paysikl

Bike Again!.....	902-429-2202
Dal Bike Centre.....	902-494-8345

Kisutasik Tel-paysikla'mumk, Nikanite'tasik aqq Apoqnmasuti

Bicycle Nova Scotia.....	902-425-5454
DalTRAC.....	902-494-3209
Ecology Action Centre.....	902-429-2202
Halifax Cycling Coalition.....	902-802-8004
Halifax Regional Municipality.....	311
Welcoming Wheels.....	902-429-2202
NS Dept. of Transportation & Active Transit.....	902-424-2297

Ta'n Etli-ntui'skasik Paysikl

Bike & Bean.....	902-820-3400
The Bike Pedaler.....	902-406-7773
C. Robertson Electric Bikes.....	902-423-9386
Cyclesmith.....	902-425-1756
Giant Bicycles.....	902-407-2462
Halifax Cycles.....	902-407-4222
Long Alley Bicycles.....	902-404-9849
Mountain Equipment Co-op.....	902-421-2667
Velofix Nova Scotia.....	855-835-6349
Sportwheels Sports Excellence.....	902-865-9033

Paysikl na melkiteskawek, iknmuaj wenl ketui- tlaskmalij kisi-ala'silin.



Halifax Cycling Coalition na ta'n maw-naspultijik wenik aqq mu pekwaterkenuk mtmo'taqney ta'n apoqnmatak Kijipuktuk aji-wlkaqnin wjit paysiklo'ltijik wenik. Ntlukwaqninen na aji-klu'ktn ta'n tel-paysikla'mumk kijkanminaq ewe'wmekl na'talukutimkl, kina'masuti aqq apoqnmasuti. Ntlukwaqninen na wiaqa'latl msit wenl aqq mu istuite'taqitiwek. Ketu'-nmituek Kijipuktuk mawi-westawiktn kijkan North America alpaysikla'mumk.

Nasa'si Halifax Cycling Coalition kiskuk apoqnmate'n ta'n tel-lukutiek. Ta'n tel-pmi-atelek apoqnmuksiek ta'n tujiw etlewistu'tiek kijkankewey kaplno'l aqq lukewinu'k wjit ta'n tel-lukwatmek paysikla'mumke'l awti'l. Apoqnmatalti'kw na aji-kna'titesnu aqq atelk kisa'tesnu. Piskiw'i'kusi kiskuk cyclehalifax.ca/register

Tepa'si kpaysiklm aqq wlapete'n jajiko'qn, welqatmumk aqq alsumsimk.

Apoqnmuejik:



Ecology
Action
Centre

HALIFAX

Ta'n Teli-Alpaysikla'mumk Kjipuktuk, Amskwesewey Ewikasik, Etqulijuiku's 2022.
Copyright: Halifax Cycling Coalition

Translation: Barbara Sylliboy

Text/Design/Layout: Meghan Doucette and Ellen Riopelle

Illustrations: Hannah Emmett, and Andrew Durano

Editors: Anika Riopel, Ashleigh Boers, Emily Miller, Becky Spencer, Steven Schwinghamer, Ben Hammer, Jenna Molenaar, Jillian Banfield, Dan Peterson, Megan Rector, Raylene Langor, and Sarah Manchon and Ellen Riopelle

Sources: Can-Bike, The Toronto Cyclists Handbook, The Toronto Cycling Handbook: Family Edition, Quebec Safe Cycling Guide, Nova Scotia Bicycle Safety booklet, BYCS, Nova Scotia Summary Offence Ticket Booklet, and Freepik.